

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Alexandri Magni Regis Macedonum vita**

**Gualterus <de Castellione>**

**Argentin., 1513**

**VD16 G 3848**

Quintus liber

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

## ALEXANDREIDOS

Machina corrueret; rerum compage soluta  
Horrificum concussa darent elementa fragorem

¶ Argumentum.



Qvintus habet strages variasq; & fu-  
nera caris

Deplorata suis. victos apud Albela  
Perfas (re tractans

Consultit Arsamides; de diro tempo-

An melius sit eis reparato robore latis  
Medorum regnis rursus committere fatis  
Sed proceres herent; ad donativa maniplos  
Conuocat eacides. & donis vulnera curat  
Ecce vir illustris & non inglorius. illa  
Precedenti acie stipatus prole virili  
Mazeus regem Babylonis moenibus infert.

¶ Quintus liber.

Q Ege nume regis lata de mensibus olim  
Quintus ab ancipiti descendens ordine lano  
Mensis erat; roseis distinguens partibus annum  
Et gemino plausu gaudebant hospite phœbo  
Ledei fratres; prima cum parte diei  
Concurrere duces emerfo tempore; cuius  
Preuidissoluem Medis Persisq; futurum  
Creditur in scripto Daniel mandasse latenti  
Affuit a siccis veniens aquilonibus hyrcus  
Ultio diuina proles Philippida magnus  
Quem procul vt vidit galea flammante coruscum

## LIBER QVINTVS

Indus Aristomenas; denis elephanta flagellis  
 Prodigus excutiens meditata cuspide ferrum  
 Intingit clypeo; & eo lorica recuso  
 Tutatur corpus: at magnus arundine monstro  
 Obuiat; & qua se lateri promulcida iungit  
 Vitales aperit ferro mediante latebras  
 Fit fragor ingentem monstro faciente ruina  
 Sed cum precipiti cecidisset Belua lapsu  
 Vltor Aristomenen & parcere nescius ensis  
 Acephalum reddit; nostra est victoria nostra est  
 Ingeminant graij; Perse glomerantur in vnum  
 Missiliumq; frequens regem circumuolat imber  
 Sed nec gefa mouent; nec sequior ense bipennis  
**Q**uem duce fortuna virtus infracta tuetur  
 Ille per insertos inuictus & impiger enses  
 Telasq; prorumpens volat. ignoratq; moueri  
 Ferreus armatos contundens malleus arcus  
 Quo feriente cadunt Eliphas Pharaone creatus  
 Et Pharos Orchanides Eliphas iaculo; Pharos ense  
 Hic eques; ille pedes; egyptius hic Sirus ille  
 Sicca prius stereliq; diu iam flumine fusi  
 Sanguinis humet humus; iamq; imbuit vnda cruoris  
 Arterias cybeles; cadit infinita vicissim  
 Perfarum macedumq; manus; iacet ense philote  
 Enos & Caynan; Enos quoq; fuderat ense.  
 Hesiophilum; Caynan quoq; Lauromedonta securi  
 Ibat Alexandro vulnus letale daturus

## ALEXANDREIDOS

Si fineret fortuna Geon, maris incola rubri  
 Informis facie: quem creditur vna gygantum  
 Quippe gyganteis ducens a fratribus ortum  
 Ethyopi peperisse viro, qui corpore matrem  
 Immani referens: aliumq; colore parentem  
 Quos terrere nequit nigredine corpore terrent  
 Fuderat ergo viros claua terquinq; trinodi  
 Agmina dum graium sinuoso turbine rumpens  
 Ad magnum molitur iter, ceu dissipat acri  
 Dente canes nemeus aper, cui sudat apertis  
 Spuma labris, dorso valli riget instar acuti  
 Seta minax: humeroq; canes supereminet omnes  
 Nunchos a leua: nunc dextra fulminat illos  
 Nunc caput in renes obliquat rursus ab illis  
 In latus oppositum: partemq; tuetur vtramq;  
 Se non ignarus volucris defendere gyro  
 Ventum erat ad regem miratur martius heros  
 Visa mole viri, dumq; arduus ille cruentam  
 Erigeret clauam clamoso gutture regi  
 Intonat, heus inquit quis te furor egit in hostem  
 Magne gyganteum: quem sydereas iouis arces  
 Affectasse legis: a quo vix fulmine tandem  
 Tutus in etherea mansit saturnius arce  
 Nondum finierat, agili cum torta lacerto  
 Pinus Alexandri medio stetit ore loquentis  
 Fautibus affigens linguam ne deroget vltra  
 Celicolis, sed adhuc stantem telumq; cruentum

LIBER QVINTVS

Mandentem macedo tunc demum admissus equini  
 Pectoris impulsu quatit: explicitumq; per artus  
 Reddit humo natum: plangit percussa iacentem  
 Mater humus prolem: tantumq; dat icta fragorem  
 Quantus vbi annosam sed adhuc radice superbam  
 Montibus euellit Boreę violentia quercum  
 Concurrunt argiua phalanx: stratumq; geonta  
 Perfodiunt iaculis, gladiosq; in viscera condunt  
 Quem tandem lacerum vultus: & mille retusum  
 Pectora vulneribus acherontis ad antra remittunt  
 Parte furens alia Parthorum proterit agmen  
 Inclitus ille Clytus cuius soror vbere magnum  
 Lactauit proprio, sed que prouenerit illi  
 Talio pro meritis magis arbitror esse silendum  
 Hunc vbi germani respersum sanguine vidit  
 Sanga Damachenus fraterno motus amore  
 Ter gemitum dedit: & repetita medullitus alto  
 Pectore confusam reprimunt suspiria vocem  
 Cuncq; tribus iaculis frendens supplere nequirit  
 Pectoris affectum. stricto mucrone micanti  
 Emicuit curru: quaq; huic flagrante Pyropo  
 Ardebat cassis claro caput arguit ictu  
 Et nisi lorice latuisset tuta galero  
 Plorasset cerebrum terebrata casside ceruix  
 Sed licet attonitus mananti sanguine sange  
 Non tamen ignauus gladio respondet: idemq;  
 Quod modo transierat primi per viscera fratris

## ALEXANDREIDOS

Balneat alterius intra præcordia ferrum  
 Dirigit primo spectata cæde suorum  
 Metha pater; nec quas lachrymarum funderet ymbres  
 Inuenit facies. etenim dolor intus obortas  
 Sorbuerat lachrymas. & compluit intima cordis  
 Arida decrepitate faciei debitus imber  
 Suppleuitq; vices oculorum flebile pectus  
 Palluit exanimis dextra languente gelato  
 Corde senex; & mors in vultu visa sedere est  
 Mox vbi mens redijt rediuuio sanguine; tandem  
 Singultu medias inter rumpente querelas  
 Tu ne duos inquit; tortor sequissime fratres  
 Tu ne duos; ante ora patris; mucrone vorasti  
 Non veritus patris emeriti; misereq; parentis  
 Præcipitare dies; sed vt vterius tibi nullum  
 Non pateat facinus ferro; fera tygris; eodem  
 Quo mea me coram rapuisti viscera; ferro  
 Iunge patrem natis; & funera terna remitte  
 Coniugis & fratrem; misere plangenda parenti  
 Si qua tamen coniunx; si quis tibi filius heres  
 Aut soror aut mater parcarum vindice filo  
 Quod doleo doleant; & idem quod lugeo lugent  
 Dixit; & imbelli iaculatus missile dextra  
 Torfit in arma Clyti; quod vix vmbone moratum  
 Ocius euellit Clytus; & qua sancta recuruis  
 Canicis nemorosa pilis vergebat in armos  
 Hispida letali pertundit guttura ferro

## LIBER QVINTVS

Ille ruens cecidit visu mirabile natos  
 Inter semineces: prolemq; amplexus vtrimq;  
 Tendit ad infernam natis comitantibus urbem  
 Iamq; propinquabat regali prodita luxu  
 Ipsa acies Darij: curruq; micabat ab alto  
 Rex: regem innumera lapidum prodente lucerna  
 Obstupuit tanta percussus luce Nichanor  
 Vtq; erat in dextro cornu dux agminis; illuc  
 Applicuit cuneum belli quem forte regebat  
 Commissum, primis arrisit subdola gestis  
 Eius, & excepit blande fortuna furentem  
 Parmenione fatum: vix obstitit vnda clyentum  
 Primo congressu; stabilemq; Nichanoris alam  
 Sustinuit tepide; donec Theton arabites  
 Turbidus in medios ruit obsitus ymbre quiritum  
 Et stabilit profugos; mentesq; reintegrat egras  
 Statur, & immotis figunt vestigia plantis  
 Eminus occumbunt iaculis, & turbine funde  
 Cominus & gladio cerebrum sitiante secari  
 Interdum liuore sudum verubusq; cruentis  
 Rem peragunt pedites, sedes implentur auari  
 Ditis, & imbriferi domus infatiabilis antri  
 Rumpere fila manu non sufficit vna sororum  
 Abiectaq; colo Clotto Lachesisq; virorum  
 Fata metunt: vnamq; duę iuuere sorores  
 Mixta plebe duces pereunt vtrimq;, sed inter  
 Milia tot procerum speciali laude refulgens

## ALEXANDREIDOS

Inclitus enituit numerosa cęde Nichanor  
 Percę tot obiectos vestigat Regnona Perfas  
 Nil actum credens fufis tot milibus ipsum  
 Cum videat superesse ducem dominumq; cohortis  
 Nec mora, conspicui turba cedente suorum  
 Concurrere duo, ferit horrifera altra boatus  
 Et populi quatit arua fragor, ferrata subactas  
 Cornipedum pedibus putres terit vngula glebas  
 Cominus admissi sibi vicinantur, vterq;  
 Cuspide prententa superos cognouit in ictu  
 Conspicuos, crudeq; licet pulsatus acerno  
 Stipite; mansit eques tamen; hinc vacuata propinquu  
 Vertitur ad capulum manus grea; casside quassa  
 Pro fluuio rigat arua cruor; nec sustinet iras  
 Mucronis clypeus; genibus cecidere remissis  
 Vectores vectiq; simul, prior ense retracto  
 Surgit Parmenides, & pectora regnoris acer  
 Arcet vtroq; genu; donec vitalia Parthi  
 Et ventris latebras capulo tenus induit ensis  
 Extemplo turbata acies & lite relicta  
 Vertere terga parant; sed quos hyrcania gignit  
 Conspicuos in Marte superuenit ala quiritum  
 Excedens numerum; inclusumq; Nichanora vallo  
 Armifere sepi facta statione coronant  
 Obruitur primo iaculis; strepit grea cassis  
 Glandibus & faxis; tantamq; sibi lacer orbis  
 Obstupet innasci veterato robore siluam



LIBER QVINTVS

Iamq; pedes vlnęq; labant, mixtoq; cruore  
 Membra lauat sudor: sed mens infractaq; virtus  
 Et princeps animus capto sub pectore regnant  
 Totq; lacessitus iaculis & cestibus ille  
 Murus Alexandri sed non sine nomine tandem  
 Procubuit, multamq; sua cum strage ruınam  
 Perfarum trahit vnus damnosa ruına  
 Qualis Romulea cecidit cum turrıs in vrbe  
 Turbine fulmineo vicinas obruit eđes.

Interea Macedum planctu pulsatus acerbo  
 Aduolat orbata catulis truculentior vrfa  
 Diluuium mundi Macedo, pauer obuia turba  
 Principis occursum: fugiuntq; per inuia cursu  
 Precipiti: dociles vitam prefferre triumpho  
 Vnus Alexandro reliquis fugientibus instat  
 Mennonides Phidias, cuius lanugine prima  
 Signabat roseas facies: niuis emula malas  
 Nobilis & patrio referens a sanguine Cyrum  
 Cui nuptura soror Darij si cederet ipsi  
 Gloria martis erat: vnde orta superbia: magno  
 Obuius ire parat: sed nec reuerentia patris  
 Nec fauor etatis: nec rerum copia mortem  
 Executiunt parili forma sed dispare fato  
 Occurrit iuueni laxis effestio frenis  
 Et qua flammiuomo ritu micat aurea tygris  
 Dissicit vmbonem: largoque foramine candens  
 Admittit ferrum laxo toga ferrea nexu

## ALEXANDREIDOS

Transit in occultas letalis harundo latebras  
 Pectoris: inq; humeris niuea ceruice iacente  
 Perpetue Phidias noctis caligine tectus  
 Fertur, & eterno clauduntur lumina somno  
 At leuo cornu, qui nulli marte secundus  
 Parmenio preerat: discors bellona furebat  
 Sanguineis maculata iubis: sanieq; retenti  
 Delibata comas: cui spumeus axe cruento  
 Lumine terrifico tonitrus & fulminis instar  
 Concitus occurrit ferali turbine frater  
 Cui strauit furor ipse vias: ceduntq; ruenti  
 Degeneres animi: comes indiuisa furoris  
 Precipites agit ira gradus, & fellea torquens  
 Lumina contemnit humiles rationis habenas  
 Impatensq; more leuis & male cuncta ministrans  
 Impetus: obliquos versans in puluere cursus  
 Vndiq; successus, sed & infortunia mixtim  
 Circumfusa volant, & mille a vertice martis  
 Cum pallore suo nutant per inania mortes  
 Talis in amplexus veniens per colla fororis  
 Brachia diffudit deus horrifera: ocium inquit  
 Labere cara soror, macedumq; i nuncia regi  
 Vana spe caperis: Darium quod perdere per te  
 Inscius affectas: scelus hoc a principe tanto  
 Amouere dei: nec fas vt dextera mundi  
 Sceptra tenens madeat iugulo polluta senili  
 Altera debetur Dario fortuna: suorum

## LIBER QVINTVS

Proditione cadet: celer ergo per arma per hostes  
 Assis: & varia populanti cede pelagos  
 Impiger occurrens Mazeo: quippe rapinis  
 Et macedum spolijs inhiat: laxatq; solutos  
 Compedibus Persas: rursus versa vice vinculis  
 Mancipat argiuos: nec enim tot sufficit vltra  
 Milia Parmenio paucis incessere turmis  
 Dixit, & imbrifero Bellona citatior austro  
 Fertur, & ad dextrum pertransit stridula cornu  
 Induiturq; genas, horrendaq; palladis arma  
 Gorgonis anguicomis preterdens egide vultus  
 Commemorantq; dei breuiter mandata recessit  
 Infecitq; diem ferali nube recedens  
 Excutitur saltu macedo, profugamq; sequutus  
 Voce deam: quocunq; venis dea cardine vanum  
 Spernimus omen ait, non me diuillet ab armis  
 Et curru Darij: licet impiger ales ab alto  
 Missus Athlantiades verax mihi nuncius ipse  
 Afferat a Persis raptas cum matre sorores  
 Ex Dario pendet nostris spes vnica voti  
 Quem si perdidero parui mihi cetera parui  
 Perdita momenti: solum si vicero solus  
 Perdita restituet, non est mihi perdere tanti  
 Quod recipi poterit: vt non & vincere malim  
 Sed neq; si turris Darium septemplete muro  
 Includat licet ardenti circumfluuus vnda  
 Sulphureis acheron defendat moenia ripis

## ALEXANDREIDOS

Eripiet fortuna mihi; sic fatur, in armis  
 Se locat: & summo clypeum feriente lacerto  
 Orbem signiferum ceu vallum & moenia muro  
 Pectoris opponit: tendensq; ad æthera pinum  
 Vertice sublato medios ruit hostis in hostes  
 Fumantescq; globos torquens testatur adesse  
 Puluis Alexandrum, fertur temone supino  
 Affer Aristorides, pedibusq; attritus equinis  
 Occubuit Lysias; libicis a syrtilibus affer  
 Venerat; a Scithicis Lysias tetrarcha pruinis  
 Affer Cratherus; Lysiam deiecit Amiclas  
 Ense iacet Lysias; hastili corrūit affer  
 Iungitur huius amidon terebrato guttore rubram  
 Exalans animam, Baradamq; iacentibus addit  
 Anthigonus: reprimiq; globū Tholemeus equestre  
 Nec minor Eumenidi strages, nec gloria Cheni  
 Inferior Meleagre tua, truculentior instat  
 Perditas solito cunctis cernentibus ipsum  
 Ante aciem Darij, Poliparcus nocte fruendum  
 Qui prius asseruit: redimit de luce patenter  
 Consilium de nocte datum, furit Inacha pubes  
 Mente vna, votoq; pari, furor omnibus idem  
 Parq; animus bello, dominoq; simillimus ipsi  
 Ut quot Alexandri comites in Marte furentes  
 Cominus aspiceret: tot se gauderet habere  
 Magnus Alexandros, iam victoris furor aures  
 Pulsabat Darij, iamq; erumpebat in ipsos

## LIBER QVINTVS

Confortes lateris funeste turbo procelle,  
 Eger in aduersis animus sapientis & egre  
 Consulit ipse sibi; cum duro tempore primis  
 Diffidit rebus; & spes languescit inermis  
 Nam quid agat Darius; quo se regat ordine demens?  
 Cui nec tuta fuga est; nec si velit ipse morari  
 Inuenit socios; nam de tot milibus ante  
 Quos sibi crediderat bello vix mille supersunt  
 Qui stent pro patria; pudor & reuerentia famę  
 Ne fugiat prohibent, contra timor anxius vrget  
 Dumq; vacillanti stupefactus pretore nutat  
 Dum dubitat, rapiat ne fugam, vitam ne perosus  
 Se sinat ipse capi, Perse velut agmine facto  
 Mandant terga fuge; rapiuntq; per arua relicto  
 Rege gradum, laxis tunc demum inuictus habenis  
 Nactus equum Darius rorantia cęde suorum  
 Retrogrado fugit arua gradu; quo tendis inertem  
 Rex periture fugam, nescis heu perditte nescis  
 Que fugias; hostes incurris, dum fugis hostem  
 Incidis in scillam cupiens vitare caribdim,  
 Bessus Narbafones rerum pars magna tuarum  
 Quos inter proceres humili de plebe locasti  
 Non veriti temerare fidem, capitifq; verendi  
 Perdere caniciem spreto moderamine iuris  
 Proh pudor; in domini coniurant fata clyentes  
 Magnus; vt ablatum medio de limine mortis  
 Accepit Darium; regum super ossa cruentus

## ALEXANDREIDOS

Fertur: & ingenti super ipsa cadauera saltu  
 Insequitur Darium: pene in comitatus achiuis  
 Immemor ipse sui: qualem rapit impetus ignem  
 Syderis & raris distinguit nubila flammis  
 Qualiter alpinis spumoso vertice faxis  
 Descendit Rodanus: vbi Maximianus eos  
 Extinxit cuneos: & sanguinis vnda meatum  
 Fluminis adiuuit fusa legione thebea  
 Permictusq; cruor prorumpit in aera spreto  
 Aggere riparum: totumq; rigauit Aganum  
 Sed iam precipiti per saxa per auia saltu  
 Transierat lychum paucis comitantibus amnem  
 Belides, dubiusq; stetit fractum ne furenti  
 Et mersurus aquę properaret frangere pontem  
 Pelleo clausurus iter, sed ab hoste premendos  
 Dura cęde suos timuit: si ponte reciso  
 Securus fugiens Persarum excluderet agmen  
 Vtile propositum vicit respectus honesti  
 Preposuitq; suos Darius sibi: malluit ergo  
 Iustus inire fugam: potiusq; elegit apertam  
 Victori prebere viam: quam claudere victis  
 Fit fuga persarum turbatoq; ordine passim  
 Curritur ad pontem, sed & intolerabilis estus  
 Et cursu duplicata sitis: languentia torrent  
 Viscera: & exhaustos sudor sibi vendicat arcus  
 Pulmonisq; vagas agitant suspiria cellas  
 Vnde inopes vnde nemorum per deuia docti

LIBER QVINTVS

Occulti laticis salientes querere venas  
 Omnibus incumbunt riuus; haustaq; gulose  
 Cenosi torrentis aqua precordia limo  
 Tensa rigent; vterum pregnantem simulare coactus  
 Triste parit funis concepto flumine venter  
 Nonnullis auido fluuium dum gutture sorbent  
 Obstruit occurrens vitales vnda meatus  
 Aeracq; in cecis inclusum suffocat antris  
 Sed neq; tot turmas procerum vulgicq; cohortes  
 Ad mortem ductore metu sine lege ruentes  
 Explicat vnus angustia pontis aceruos  
 Vix capit vnda tumens fluuijq; vorago cadentes  
 Labuntur passim; lapsosq; inuoluit hiatus  
 Fluminis; & virides stupuere cadauera nimphę  
 Languentes gladios & hebetia tela suorum  
 Intuitus macedo cum iam decliuis olympus  
 Phoebeis legeretur equis fumantibus aruis  
 Ethiopum; & solito pauloq; remissius igne  
 Vreret herculeas solis vicinia Gaddes  
 Causatur princeps in noctem tempus ad illos  
 Quos credebat adhuc in cornu stare sinistro  
 Flecxit iter, iamq; in leuam conuerterat arma  
 Cum premissus equos a Parmenione triumphum  
 Nunciat, & varijs afflictos cedibus hostes  
 Dumq; reducuntur equites in castra repente  
 Vallibus emergens Persarum apparuit agmen  
 Exurens clypeis galeisq; micantibus agros

## ALEXANDREIDOS

Qui primos inhibere gradus & figere gressum  
 Demum vbi tam paucas Macedum videre cohortes  
 In magnum vertere acies: rex ante quiritum  
 More suo gradiens vexilla: pericula martis  
 Dissimulans potius quam spernens illud ab hoste  
 Concussum totiens sed inexpugnabile castrum  
 Pectoris opposuit Persis: nec defuit illi  
 Perpetua in rebus dubijs fortuna cohortes  
 Praefectum mortis & martis amore furentem  
 Excipit. & celeri rimatur viscera ferro  
 Nec mora Lysimachus & gloria gentis Achege  
 Inuaere arabes passim: ventrisq; pepercit  
 Martius ille furor: vbi nemo cadebat inultus  
 Verum cum phœbi radijs Athlantide stella  
 In vultus audente suos opponere Persis  
 Marte videretur fuga tutior ordine rupto  
 Consulere fuge: laxisq; licenter habenis  
 Nocte fere media transuecti fluminis amnem  
 Albela perueniunt vbi rex Babilonius illos  
 Quos secum fuga contulerat lugubris & amens  
 Consulit & pariter de duro tempore tractans  
 Cuncq; repressisset queruli suspiria cordis  
 Reliquias Macedum lacrimoso pectore cernens  
 Fortuitos inquit totiens variare tumultus  
 Nunc aduersa pati: nunc exultare secundis  
 Nunc caput incuruare malis: nunc tollere fortis  
 Humane est: humilem sic vidit Lydia Cresum



LIBER QVINTVS

Si sic victorem versa vice stemina vicit  
 Sic quoq; Termophile Xersem videre facentem  
 Et qui nauigijs totum modo texerat equor  
 Vix licuit victo sola cum naue reuerti  
 Nulla rei nouitas peruertere fortia debet  
 Pectora, cum nulla teneatur lege fidelis  
 Esse homini fortuna diu: spes vnica victis  
 Contra victorem rursus sperare triumphum  
 Nec dubito quin victor agros aditurus & vrbes  
 Ciuibus exhaustas sed opimis rebus et auro  
 Confectas: vbi gens auidissima gutture tuto  
 Visceribus siccis sitiens letale metallum  
 Tentabat sedare sitim: predaq; retenti  
 Conceptam satiare famem nec inutile nobis  
 Id reor, interea fines intactaq; bellis  
 Regna petiturus medorumq; vltima vires  
 Non egre reparabo meas: preciosa supellex  
 Castraq; castratis & multa pelice plena  
 Quanti sunt oneris: & quanti bella mouentes  
 Impediant: vsu longo didicere potentes  
 His partis erit inferior quibus ante remotis  
 Maior erat macedo spolijs vincetur onustus  
 Qui vicit vacuus, non auro bella geruntur  
 Sed ferro: non es non opida regna tuentur  
 Sed virtus viresq; virum: penetremus abactos  
 Medorum fines: in duris vtile rebus  
 Non dictu speciosa sequi docet ipsa facultas

k

## ALEXANDREIDOS

Non secus antiquos primo moderamine rerum  
 Nouimus afflictos fortis discrimine patres  
 Indultis aliquot hostiq; sibiq; diebus  
 Fortunam reparare suam, rursusq; reuulsis  
 Hostibus aduersa de parte tulisse triumphos  
 Finierat Darius: vox plena timoris: & expers  
 Vifa suis: cum tot opibus Babilona superbam  
 Et reliquas vrbes sine defensore relictas  
 Effet Alexander primo capturus eoo  
 Nulla videbatur reparandę copia fortis

Sed neq; quod superest retinendi gratia regni  
 Seu confirmato tamen agmine siue sequenti  
 Imperium potius quam consilium ducis vno  
 Maturant animo medorum visere fines  
 Nec mora distribuens celebres apud Albela gazas  
 Munificus macedo tantis audenter onusto  
 Rebus, & inuenta satiato milite p̄da  
 Discurrit Syriam: pluuiocq; citatior austro  
 Vi vel amicitia superatis ciuibus ardet  
 Oblita coc̄tilibus intrare palatia muris  
 Insignemq; olim tot regum laudibus urbem  
 Cui dedit ęternum labij confusio nomen  
 Cuncq; Semiramia tantum distaret ab vrbe  
 Quantum Sethanijs distat dyonisijs vndis  
 Ecce vir illustris stipatus prole beata  
 Impiger occurrit Mazeus transfuga regi  
 Imperio magni sese Babilonaq; dedens

LIBER QVINTVS

Quem rex complexus auide: vultuq; benigno  
 Suscipiens tacitis suffocat gaudia votis  
 Quippe laboris erat magni; longiq; paratus  
 Tot populis & tot munitam turribus urbem  
 Obsidione capi; nisi machina numine diuum  
 Coctile cementum crebro dissolueret ictu  
 Virq; manu promptus & non inglorius illa  
 Precedenti acie; totiens expertus in armis  
 Exemplo poterat alios ad foedera pacis  
 Inuitare suo; tunc vero cohortibus arte  
 Dispositis iussisq; sequi retrocedere Persis  
 Agmine quadrato stupefacte illabitur urbi  
 Splendet in occurso tanti babilonia regis  
 Et quas congeffit veterum sollertia regum  
 Exponuntur opes; ardent altaria gemmis  
 Porticibusq; sacris statue reteguntur auite  
 Per fora per vicos per compita serica ridet  
 Vestis, & auriuomis ignescunt phana coronis  
 Matronasq; graues annis ciuesq; seueros  
 Tegmina celatis vrunt bombicina monstris  
 Seruus & ancille iussi laceessere luxu  
 Barbarico; insolitos nequeunt sufferre paratus  
 Immemoresq; sui; dum contemplantur amictus  
 Iam se presumunt non seruos esse fateri  
 Hosq; quibus deerat fallax opulentia iussit  
 Inter honoratos fulgere precaria vestis  
 Iam torum victoris iter lasciuia florum

## ALEXANDREIDOS

Texerat, & ramis viduata virentibus arbor  
 Quocunq; ingreditur certant thimiamata thuri  
 Diuiniq; arabum pascuntur odoribus ignes  
 Et matutino satiantur aromate nares  
 Effera præfertur clauſtro indignata teneri  
 Tygris, & obruſi ferrato carcere pardi  
 Incluſi caueis frendunt immane leones  
 Et quecunq; tenet hyrcanos beſtia ſaltus  
 Et ne præpediant oculos obieſta ſequentum  
 Turba ſequens, gradibus euecti ad culmina certis  
 Quamplures auſidicq; ſuum cognoſcere regem  
 Edita murorum longa ſtatione coronant  
 Occurrunt lyricis modulantes cantibus odas  
 Cum cytharis miniq; concordant tympana ſiſtris  
 Cymbala pſalterio cedunt; nec deſuit aures  
 Blandius humanas docilis ſopire viella  
 Et quos niliace tradunt mendatia gentis  
 Fatidicoſq; notas cælis prænoſce peritos  
 Sydereos motus & ineuitabile fatum  
 Menphite vates; currum victoris adorant  
 Nunq; tam celebri iactatrix roma triumpho  
 Victorem mirata ſuum tam diuite luxu  
 Excepit, ſeu cum fuſo ſub leucade cæſar  
 Antonio ſexti mutauit nomina menſis  
 Lactandaſq; dedit ydris Cleopatra mamillas  
 Seu poſt Eumathias acies; cum ſanguine magni  
 Iam ſatur irrupit tarpeyam lulius artem

LIBER QVINTVS

Et merito: nam si regum miranda recordans  
 Laudibus & titulis cures attollere iustis  
 Sicq; fide recolas quam pauco milite contra  
 Victorem mundi tenero sub flore iuente  
 Quanta sit aggressus macedo: quam tempore paruo  
 Totus Alexandri genibus se fuderit orbis  
 Tota ducum series: vel quos hyspana poesis  
 Grandiloquo modulata stilo: vel claudius altis  
 Versibus insignit respectu principis huius  
 Plebs erit: vt pigeat tanto splendore Lucanum  
 Cesareum cecinisse melos: romeq; ruinam  
 Et macedum claris succumbat honorius armis  
 Si gemitu commota pio votisque suorum  
 Flebilibus diuina daret clementia talem  
 Francorum regem: toto radiaret in orbe  
 Haud mora vera fides: & nostris fracta sub armis  
 Per thia baptismo renouari poscerat vltro  
 Queq; diu iacuit effusis moenibus alta  
 Ad nomen christi carthago resurgeret: & que  
 Sub Carolo meruit hyspania soluere penas  
 Exigerent vexilla crucis: gens omnis: & omnis  
 Lingua Iesum caneret: & non inuita subiret  
 Sacrum sub sacro Remorum presule fontem.

¶ Finit quintus liber.

¶ Sequitur Argumentum  
 Sexti Libri

K iij